

بازار ابرتسی فی ۲۱ ربیع الآخر سنه ۱۳۲۸ و فی ۱۹ نیسان سنه ۱۳۲۹

جمعیت علمیة اسلامیة نك ناشر افکاریدر

مدیر مسئول :
مکتب نواب معلمارندن
کلیسی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

تاریخ اسلام صحائفندن طاهر المولوی	استبداد مال حسین حازم
مجلس مبعوثانده بودجه مذاکراتی مصطفی صبری	ادبیات :
اخلاق م. ص	بهار ع. عاطف
اسلامده عسکرلک ع. عاطف	معاونت ملیه جمعیتی طرفندن آلتان طور پیدومناسبتیه طاهر
آچیق مکتوب سلانیک جمعیت علمیة اسلامیة سندن	ردی علی مافی القول الجید من الردی مصطفی صبری

نسخه سی ۱ غر وشددر

آبونه اجرتی (پوسته اجرتیه برابر در)

ممالک اجتیه ایچون :
۶۰ . ۱۲ فراتق
« ۶۰ . ۶۰ »

استانبول وولایات ایچون :
برسته لیکی ۶۰ غروش
اتی آیلنی ۳۰ «

درج ایدلمیان اوراق اعاده اولنماز

قارئلر مزه :

اکثر مقاله ایات کریمه و احادیث نبویه درج ایدلمش بولندینی نظر اعتباره آلهرق رعایه سزاکده بولماماسی رجا اولنور

درسعادت

طنین مطبعه سنده طبع اولنشددر

بومسئله لره دائر اولان اعتراضاته جواب صدندده ايسه :
 مانيه ناظري حڪومت رزي شركتي ادامه ايدده جك ديمدميا
 ديمشدر . حال بوكه حڪومتك رزي تي تمديد ايدده چكي
 سويلنمه مكله برابر يردن كوكدن اسباب تسلي ارانديغي
 بر صروده بويله بيوك برمنبع وارداتدن قبل الاعتراض
 نهيه بحث اولميور ؟ ايشته اصل اعتراضي دعوت ايدن
 ونظر دقتي جالب اولان بو نقطه در . مصارفي تنقيص .
 معاشاتدن تصرف جهتي ايسه بونك اصلا ممكن
 اولهميه جغتى بر حقيقت مسلميه شكلنده ادعا ايدسيورلر .
 حتى مصارفك كوندن كونه ترايدى ترقيمزك ايجاباتندن .
 دلائلندن اوله رق كوسترياليور . بوسوز طوغرى اولسه
 بيله مصارفك ترايدندن باشقه ترقيمزه دلالت ايدده جك
 برشيمز بولمامسى . بودجه مزك آجيجتى قاپامغه مدار اولمق
 اوزره نيكيينلكدن باشقه بر قارشيلغمز اولمامسنيه بكنزر .
 اردو مزك تكامل وتقويسى ايسه بزم ايجون شايان مفخرت
 بر مدار تسلى اولقله برابر بوكون ضعف اقتصادى نك
 ضعف عسكرى قدر و بلكه دها مؤثر بر حال انديشه آور
 اولديغي وحتى بين المللك بيوك . لك صوك طانمقده اولان
 حاكم ، رجحان اقتصاديدن عبارت بولنديغي جهان مدنيتجه
 معروف بر حقيقت اوله رق قبول ايديلديكي كجى اقتدار عسكرينك
 ادامه سى ده ينه هر حالده اقتدار مالى ايله قابل اوله بيله جكدر .
 معاشاتدن تصرفك عدم امكاننه كانجه متين وعزمكار بر مسلك
 جديت قارشيدسنده پك چوق غير ممكن عد اولنان شيلرك
 حيز امكانده اولدينى تيين ايدر . مثلاً بش بيك ، اوچ بيك ،
 ايكي بيك غروشدن اكسيك بر معاشله اداره ايدلمز ديديكمز
 مأموريتلر حقنده مدعامزك فلان مقداردن دون بر معاشله
 اداره اولنه ماز ديديكمز زمان او مأموريت ايجون ذهنمزه
 حاضر لاديغمز اجر مثل ، اس ميزان هپ نسبت قديمه و
 معتاده سيدر . بر طرفندده بوكون اوچ غروش مقابلنده
 استخدام ايتديكمز بر مأمورك معاشى التى آيدن زياده
 معاش ويرمين دور سابقه نسبتله التى بيك غروش قوتنده

اولديغنى نيچون نظر اعتباره آلميورز ؟ دور سابقده التى
 آيدن زياده معاش چيقه امقله برابر ينه ملتك بالنسبه لك
 آز مضايقه چكن افرادى لك كوچوچكلى بيله داخل
 اولمق اوزره مأمور ايدى . بوكون ينه اويله دكيدر ؟ اوچيوز
 غروشلق بر خدمته قاپولانان بر مأمورك حالى ايله اوچ
 غروش كونده لكلى بر ايش بوله مامان بر آدمك حالى
 عندالمقايسه ناصل بولورسكز ؟ معاشلى بيك غروشه
 قدر اولانلر حقنده هايدى بر شى ديميلم . فقط دها
 يوقايسنده كيلرك كئنه ميه جكلىرينه تماماً عقلم ايرمز . وسنده
 لكه بيك غروش كچمين ميلونلرجه افراد ماتك حضور
 احتياجنده بونلره آجيه مق حسنق تقليد ايدده مأمورينك ،
 امتياز علميلرى مقابلنده مستحق اولدقلى رفاه وسعادت
 اهانلك حاليه بر نسبت قريبه داخنده اولميدر . خلاصه
 سوسياлистك علمينده كى نظرياتهرغما تزييد واردات ايجون
 بر تمكليف مرقى وتقليل مصارف ايجونده بر تنزيل مرقى
 اجرانسه لزوم واردر .

مصطفى صبرى

اخلاق

اخلاق دنيلنجه : هر كسك نظرندده . فكنرنده تجلى
 ايدن ، نسخة فاضله بشرك لازم غير مفارق عد اولنمه
 سزا اولان صفات ممدوحه خاطره كاير . انسانى بيريجي
 حيوانلردن دهادون بردر كهيه ، بردر كه جاهلان يه سوروكاين ،
 صاحبى كندى نوعنه عبرت ايتكه لايق كورن احوال
 مذهومه كويا كسه نك خاطرنندن كچميور . اشته بو مدعا
 « لقد خلقنا الانسان فى احسن تقويم . ثم رددناه اسفل
 سافلين » منطوق منيف فرقانيه سيله استدلال وانور بر
 كيفيتدر كه : احسن تقويم ده ، موجودات ايجنده لك كوزل
 بر صورتده يراديلان بنى بشرك او خلق اولنديغى صورته
 متناسب بر سيرته متخلق اولمى لازمكلوركن . او كوزل

اوبرینه نسبتله شرف انسانیه سنی مزیت بشریه سنی دها
زیاده محافظه یا خود اخلاص ایتش اولور . جواب ! هیچ
برسی !.. چونکه هر ایکسی ده انسان هر ایکسده عاقل در .
مادامکه : علویت انسانیه آفاق آلتنده قایور . مادامکه شرف
بشری محو اولور کیمک ایله محو اولورسه اولسون آخلق
اودر ، اخلاقسز اودر . آنی محو ایدن ایقالتنه آلاندر .
اوت !.. اخلاقسزاق ، اخلاقسزاقدر هر کیمده تجلی
ایدرسه آنک قدرنی تنزیل ایدر آنک کونش کی آشکار
اولان آثار بدفعالی نه ثروته ، نه رتبه ایله ، نه ده علم ایله
عرفان ایله ستر ایدیلر . آنجق صاحبی اعلا ایدجک بر علم
و عرفانه ستر ایدیلر بیلرکه : اوده عصمت و عفته مقارن
بر عرفان ایله اولور . فضله اوله رق ارباب عرفانک عصمت
وعفتی خللدار ایتلری نص جلیل « هل یتوی الذین .. » ایله
دها محکم بر صورتله منع ونهی ایدلشد . اشته بو احوال
مروده انسانلرک هیئت مجموعه سنه ترتب ایتکله برابرک
زیاده انسانلر ایچون بر عبرت اولمغه شایاندر چونکه : اخلاق
ذمیمه ایله برعات مستولیه نک هیچ فرق اوله مز . همده
اخلاق ذمیمه نک سرائی پک سریعدر . بر انسان کورمیدیکی
آلشمیدنی عادی بر تربیه سزانیکی ارتکابه پک زور جرأت
ایدر و بوکی حالی انسانلغه بیله یاقیشدیره ماز فقط بر کرده
اوتده بریده اخلاقسز قللری کوره کوره کوزی آیشیر ؛
انسانلر بویه شیلرده یاپارمش دیهرک کنديسنده اوکی
حالاته بر استعداد آرامغه باشلارسه او آندن اعتباراً
اخلاقسزاق آنی استیلا ایتش صایلور . بر قسم انسانلرده
وارکه همتلری کندي نفسلری نه قصر ایله یالکز باشنه
عالی ایتکی آرزو ایدرلر . بویه مهلاک سفالتله دوچار
اولنلرک اوغراقلری دردک هیچ بر چاره سنی دوشونمک
خاطرلرندن کچمز . ابنای جنس نک بویه مهلاک دردله
دوچار اولدقلری کوره کوره اختیار سکوت شویله طورسون
مدیت حاضره نک مقتضیاتندن اوله رق بوکی دارالسفاهلر
کشادی واورلرده آسایشک تقریری ایله سفاهت قبولری

سیایه . او عقل ایله مفلور . فکر ایله متحلی اولان
وجود انسانه هیچ بر صورتله یاقیشمه جق صفات مذمومه نک
یرلشمی دها طوغریسی محض فضل الهی اولان عقلک
مقتضیاتی کوز اوکنده طوررکن حیوانیت ، بهیمیت
ایجاباتندن اولان نفسک هر ایستدیکنی او آنده انفاذ
و ایلروسنی دوشونمیه رک هر درلو ردیه نک قبول ایدیلی .
ویرمی « ولقد کرّمنا ... » ایله شانی اعلا قلنان نفس
فاضله انسانیه مقتضای فطریله پروازه باشلادینی مرتبه
« اعلا ی علین » دن درک « اسفل اسفلین » سقوط ایله
« یالیتی کنت ترابا » دیه فریاد ایدجک قدر قدرنی تنزیل
ایدیور . اشته انسانلر بوجهی خاطرلرندن اصلا کچیرمیورلر .
کچیرمدکلی ایچوندرکه : بر طاقم انسانلر کنديلری نه بر
دارامان اولان دائره عقل و فضیلتک خارجنده بر جولانگاه
آزارلر . آزارلرده نفسلری کوز کوره کوره بر کرداب
سفاهته آتارلر کوری کورینه اوداء بی امانله محتلری
حیاتلری ، ثروتلری ، حتی جهان دکرنده اولان عفتلری
بوصایلان قیمتدار ماملکلری — کو یاذوق و صفا اوله جق —
اوله یب سفاهته قایدیره رق عاقبت محکوم سفالت اولوب
کیدرلر . دوشونلرسه بونلر ، انسانلرک هیئت مجموعه سنه
ترتب ایدن و بر عبرت اولمق اوزره تلقی ایدلمک شایان اولان
سوء تربیه نتیجه سیدر . هیئت مجموعه سنه ترتب ایدر .
چونکه : نظر عقل و شرعه افراد انسان هپی مساوی در .
برینه یاقشیمان بر حالک دیکرینه ده یاقشیمه جنی بدیهی در .
فرض ایدلمک : بر کیجه عالنده ، بردار سفاهته هر کسک
نظر توجهی قزانش ، کنديسندن بیوک ایشلر بکله نیلن
برذات ایله بزم عادی فرض ایتدیکمز برکمه قرشوقرشویه
اوطوره رق هر کیجه براقچ یوز کورن ، هر کیمی دها زیاده
صویولمغه مستعد بولورسه آکا کولن ، معیشتی بحق بویه
دنا تئده کورن بر قالدینه تبصص ایده جکی نه صورتله
کندينه میل ایتدیره بیله جکی بیله میهرک هر درلو تصورک
خارجنده تنزلر . تذللر اظهار ایدرلرسه هانکیسی

خليفة به مخصوص بر موقع حاضر لانی، کیلر، مجهز و بایراقلره مزین اوله رق اورایه قدر کلیر، خلیفه به رسماً وداع ایدر، خلیفه طرفندن ده سلامته کیتلری و موفقیتله دونملری حقننه دعا ایدیلردی بومراسم عودتلرند دخی اجرا اوله رق کمال مسرتله استقبال اولئوردی .

عربلر، دکنز محاربه سنده غایت احتیاطلی طاورانیلردی کیجه لری سفر حائده کیلرده قطعاً آتش یاقازلر و دشمن طرفندن سسی ایشیدیله جک خروس کبی حیواناتی کمی به آمازلردی . کوندوزلری ده اوزاقده بولنان دشمنه کورونمه مک ایچون دکنز رنکی آکدیریر بلکن کبی مخصوص یاپلش بزلره کیلری باشند آیاهه ستر ایدلردی . اسلام مملکتلرینک کوندن کونه توسع ایتمه سسی خصوصنده دونانمانک پک چوق یاردی اولمشدر ، اهل اسلام دونانمالری سایه سنده بحر سفید جزیره لرینک اک مهملرینی فتح ایتمشدر که ساردانیا ، سبجلیا ، مالطه ، کیرید ، قبریس اطه لری او جزائرنددر .

بونلردن باشقه آق دکنز اکثر اروپا ساحلرینی الده ایتشلردی عسکرله دولو ، اووقته کورده مکمل بر صورتده تجهیز اولمش اسلام دونانمالری بحر سفیدی کیمش آلمش ایدی . فرنک کیجیلری اوزمان شمال شرقی طرفلرینه چکلمش . قردهده ، دکنزده اسلام حاکم مستقل اولمشدی . اروپا حکومتلرینه صوگ درجه ضعف کلش اولدیغی صیره ده مصرده فاطمیه ، اندلسده امویه حکومت اسلامیه لری سفاهته قویوله رق شوکت اسلامیه به سکون و فتور کلش ایدی . چوق زمان کچیه رک اروپا علملری اوياشمش اووقته قدرالرنندن کیتمش اولان مملکتلرینی اسلام حکومتلری آردسند کی خصومت و مجادله دن استفاده ایدرک برر ، بررکری به آلمه باشلامش . مشهور اهل صلیب محاربه لری ظهور ایلشدی .

اسلام حکومتلری دونانما کبی بر قوتی هیچه صایمغه باشلامش . وقتیه او قدر غیرت و مصر فله حصوله کان

هرکسه آچه رق بی چارکانک مدت عمرند نیجه مشقتلره قزاندیغی برکیجه ده انلاف ایله کنسینک ومنسوب اولدیغی عائله سنک الی الابد محکوم سفات اوله جغنی هیچ دوشو نمزلر . اعتقاد مزجه بوکبی احوال مدنیت حاضره نک پروزلرننددر .

م . ص

اسلامده عسکرلک

عربلر، اوللری بدویلک حائده بولندقلرندن کیجیلک خصوصنده مهارتلری یوقدی ؛ بو جهته ایلک زمانلری دونانما خدمتنده قوللاندقلری کیسه لر، او وقت کنسیدی اداره لری آلتنده بولنان روملر ایدی ؛ چونکه بونلردن بر چوق اهل صنعت وار ایدی، حکومت اسلامیه به ایلک کمی یاپانلر او طرفلرده ساکن اولان روملر ایدی . برار زمان کچیه رک اهل اسلام دونانمانک فائده سنی آکلایه رق بحریه ایشلرینه مراق اوياشمش، بوسایه ده کیجیلکی اییجه ایلری کوتورمشلردر .

چوق زمان کچمه دن شامده ، افریقاده ، اندلسده خیلیدن خیلی ایلریله دی اورالرده کمی یایمق و دونانما آلاقی حاضر لاق ایچون ترسانه لر یاییلدی حکومت اسلامیه ده ایلک ترسانه عبدالمملک زماننده تونسده بنا اولمشدر که بوراده یاییلان کیلرله (سبجلیا) اوزرینه حرکت اولمش ایه ده اووقت فتحی میسر اولما مشدر .

اسلام حکومتلرنده دکنز محاربه لرینه کیتدکجه رغبت آرتمش، کیلرک مقداری ده کوندن کونه چوغالغه باشلامشدر افریقاده و عبدالرحمن ناصر زماننده اندلسده کیلرک عددی ایکیشر یوزی بولمشدر . او وقت کیلر اوزرنده بر آمیرال برده قبودان بولئوردی .

دونانما حرکت ایده جکی وقت مملکت اهاندی صوگ درجه شوق ایله ساحله قوشاردی مصرده نیل کنارنده